


“ТАСДИҚЛАЙМАН”

“Дастурий маҳсулотлар ва ахборот
технологиялари технологик парки
дирекцияси” МЧЖ
директори



Ф.З. Ибрагимов

2022 й. “___” март

ТАЪЛИМ ПЛАТФОРМАСИ ОРҚАЛИ ЎҚУВ КУРСЛАРИ КОНТЕНТЛАРИДАН
Фойдаланиш ҳуқуқини сотиб олиш учун

ЭНГ ЯХШИ ТАКЛИФЛАРНИ ТАНЛАШ БУЙИЧА ТАЛАБЛАР

БУЮРТМАЧИ: “Дастурий маҳсулотлар ва ахборот технологиялари
технологик парки дирекцияси” МЧЖ

Тошкент – 2022 й.

МУНДАРИЖА

УМУМИЙ МАЪЛУМОТЛАР	3
1. ҲУЖЖАТ ПРЕДМЕТИ	4
2. ТАШКИЛОТЧИ (БУЮРТМАЧИ)	4
3. ИШТИРОКЧИЛАР	4
4. ИШТИРОКЧИЛАРГА ҚЎЙИЛАДИГАН ТАЛАБЛАР	5
5. ЭНГ ЯХШИ ТАКЛИФЛАРНИ ТАНЛАШ ЖАРАЁНИНИ ТАШКИЛ ЭТИШ ТИЛИ	5
6. ТАКЛИФЛАР ВА УЛАРНИ РАСМИЙЛАШТИРИШ ТАРТИБИ	5
7. ҲИСОБ-КИТОБ ҚИЛИШ ТАРТИБИ	6
8. ТАКЛИФЛАРНИ БАҲОЛАШ МЕЗОНЛАРИ	6
9. БОШҚА ШАРТЛАР	7
10. ШАРТНОМАЛАР ТУЗИШ	7
11. ШАРТНОМА ШАРТЛАРИ	8

УМУМИЙ МАЪЛУМОТЛАР

Мазкур энг яхши таклифларни танлаш бўйича талаблар (кейинги ўринларда – Танлов) “Дастурий маҳсулотлар ва ахборот технологиялари технологик парки Дирекцияси” МЧЖ (кейинги ўринларда - IT-Park) томонидан маблағлардан фойдаланиш самарадорлигини ошириш мақсадида ишлаб чиқилган бўлиб, “Ўзбекистон Республикасининг 2021 йил 4 апрелда тасдиқланган ЎРҚ-684-сон қонуни ҳамда 1-бўлимда қайд этилган, Таълим платформаси орқали ўқув курслари контентларидан фойдаланиш ҳуқуқини сотиб олиш учун энг муқобил таклифларни олиш бўйича танлов ўтказиш ва иштирок этиш тартибini белгилайди.

Ушбу ҳужжатда қуйидаги тушунчалар қўлланилади:

Буюртмачи - “Дастурий маҳсулотлар ва ахборот технологиялари технологик парки дирекцияси” МЧЖ;

Энг яхши таклифларни танлаш - харид қилиш тартиб-таомилларининг бир нечта иштирокчисидан олинган таклифларни таққослаш асосида давлат харидларини амалга оширишнинг рақобатли усули;

Эълон - давлат харидларини амалга ошириш усули, талаблари ва шартлари, таклифларни тақдим этиш муддатлари ҳамда тартиби кўрсатилган, махсус ахборот портали орқали давлат харидларининг электрон тизимига давлат буюртмачиси томонидан жойлаштириладиган бўлажак давлат харидлари тўғрисидаги ахборот;

Таклиф – мазкур танлов ҳужжатларида белгиланган талаблар асосида тайёрланган ҳамда Танлов Комиссиясига тақдим этилган тижорат таклифи;

Иштирокчи - мазкур танлов ҳужжатларида белгиланган талаблар асосида тижорат таклифини тақдим этган жисмоний ёки юридик шахс;

Иштирокчининг вакили - танлов иштирокчиси томонидан берилган ишончнома асосида таклиф бериш ҳуқуқига эга бўлган ваколатли шахс. Иштирокчининг вакили фуқаролик паспорти билан қатнашиши шарт;

Ғолиб – харид қилиш тартиб-таомиллари яқунларига кўра таклифи энг мақбул деб топилган харид қилиш тартиб-таомиллари иштирокчиси.

1. ҲУЖЖАТ ПРЕДМЕТИ

Таълим платформаси орқали ўқув курслари контентларидан **500 дона** фойдаланиш ҳуқуқини сотиб олиш учун энг муқобил таклифларни олишдан иборат.

1.1. Танлов валютаси.

Таклиф этилаётган хизматни бажариш учун нархлар Ўзбекистон Республикасининг миллий валютаси (сўм)да акс эттирилиши зарур.

1.2. Танловнинг максимал нархи

Таклиф этилаётган хизматни бажариш учун таклиф этилаётган нарх Буюртмачи белгилаган 1 дона фойдаланиш ҳуқуқи 2 639 333,33 сўм суммаси 1 319 666 667 (бир миллиард уч юз ўн тўққиз миллион олти юз олтмиш олти минг олтмиш етти) сўмдан ортиқ бўлиши мумкин эмас.

1.3. <https://etender.uzex.uz/> платформасида тийн эквивалентини қўйиш мумкин эмас сабабли 1 дона фойдаланиш ҳуқуқини **2 639 333** сўм бошланғич нарх деб белгилансин ва бошланғич сумма **1 319 666 500** (бир миллиард уч юз ўн тўққиз миллион олти юз олтмиш олти минг беш юз) сўм деб белгилансин.

2. ТАШКИЛОТЧИ (БУЮРМАЧИ)

2.1. Танловни ташкил этувчи (кейинги ўринларда - Буюртмачи):

“Дастурий маҳсулотлар ва ахборот технологиялари технологик парки дирекцияси” МЧЖ.
Буюртмачи манзили: 100164, Тошкент шаҳри, Мирзо Улугбек тумани, Тепамасжид кўчаси
4-уй.

Электрон почта манзили: info@it-park.uz.

Телефон рақами: (+99871) 209-11-99.

Масъул шахс:

Маҳлиё Муксинова – Рақамли таълимни ривожлантириш бўйича менежер

Тел: +998 99 8048796

Электрон почта: m.muksinova@it-park.uz

2.2. Танловни ўтказувчи.

Танлов, Буюртмачи томонидан тузилган, беш нафар аъзодан иборат Харид Комиссияси томонидан ўтказилади.

3. ИШТИРОКЧИЛАР

3.1. Танловда иштирок этиш.

Танловда мулкчилик шаклидан қатъий назар исталган юридик шахслар, шу жумладан, кичик бизнес субъектлари иштирок этиши мумкин.

А) Танловда иштирок этиш учун, танлов иштирокчиси қуйидагиларни амалга ошириши лозим:

- танлов шартлари билан танишиш учун махсус ахборот порталида жойлаштирилган танлов ҳужжатларининг электрон нусхасини олиш (кўчириш);
- танлов ҳужжатлар шартларига мувофиқ танлов ҳужжатларини электрон топшириш.

Б) Қуйидаги иштирокчиларнинг танловда қатнашишига йўл қўйилмайди:

- қайта ташкил қилиниш, тугалланиш ёки банкротлик босқичини бошидан кечираётган;
- “Буюртмачи” билан судда ёки ҳакамлик судида тортишаётган;
- Ноҳалол ижрочиларнинг ягона рўйхатига киритилган;
- солиқлар ва бошқа мажбурий тўловларни тўлаш бўйича қарздорлиги бор;
- имтиёзли солиқ режимини берувчи ва/ёки молиявий амалиётларни ўтказишда маълумотларни ошкор қилиш ва беришни кўзда тутмайдиган давлатлар ёки ҳудудларда (оффшор зоналар) рўйхатдан ўтган ва банк ҳисобрақамларига эга бўлган.

В) Буюртмачи қуйидаги ҳолларда иштирокчини харид қилиш таомилида иштирок этишдан четлаштиради:

- у тўғрисида Инсофсиз ижрочиларнинг ягона реестрида кайд мавжуд бўлса;
- унда солиқлар ва йиғимларни тўлаш бўйича муддати ўтган қарздорлик мавжуд бўлса;
- ўзига нисбатан банкротлик тартиб-таомиллари жорий этилган бўлса;
- иштирокчи харид қилиш ҳужжатларининг малака, техник ва тижорат талабларига жавоб бермаса;
- иштирокчи давлат харидлари жараёнида давлат буюртмачиси томонидан бирор-бир хатти-ҳаракатнинг содир этилишига, қарор қабул қилинишига ёки бирор-бир харид қилиш тартиб-таомилининг қўлланилишига таъсир ўтказиш мақсадида давлат буюртмачисининг ёки бошқа давлат органининг исталган ҳозирги ёки собиқ мансабдор шахсига ёки ходимига ҳар қандай шаклдаги ҳақни, ишга ёллаш тўғрисидаги таклифни ёхуд исталган бошқа қимматбаҳо

ашёни ёки хизматни бевосита ёхуд билвосита таклиф қилса, берса ёки беришга розилик билдирса;

- иштирокчи рақобатга қарши ҳаракатларни содир этса ёки қонунчиликни бузган ҳолда манфаатлар тўқнашувини келтириб чиқарса, шунингдек, аффилиланганлик ҳоллари аниқланса.

4. ИШТИРОКЧИЛАРГА ҚЎЙИЛАДИГАН ТАЛАБЛАР

4.1. Қўйидаги талабларга жавоб бермайдиган иштирокчилар танловга қўйилмайди:

Иштирокчилар қўйидаги мезонларга мувофиқ бўлиши керак:

- шартномани бажариш учун зарур техник, молиявий, моддий, кадрлар ресурсларининг ҳамда бошқа ресурсларнинг мавжудлиги;

- шартнома тузиш учун қонуний ҳуқуққа эгалик;

- солиқлар ва йиғимларни тўлаш бўйича муддати ўтган қарздорликнинг мавжуд эмаслиги;

- ўзига нисбатан жорий этилган банкротлик тартиб-таомилларининг мавжуд эмаслиги;

Инсофсиз ижрочиларнинг ягона реестрида қайд этилмаганлиги.

4.2. Танлов гарови:

Танлов иштирокчиси танловда иштирок этиш учун хизматни бажариш учун таклиф этилаётган максимал нархининг 3% гаров сифатида тақдим этиши лозим.

Агарда танлов асосида ғолиб 10 иш кун ичида буюртмачи билан шартнома имзолашни бош тортса ва буюртмачининг шартномасидаги талабларини қабул қилмаса, унда гаров сумма буюртмачи ҳисобига ўтиб кетади.

5. ЭНГ ЯХШИ ТАКЛИФЛАРНИ ТАНЛАШ ЖАРАЁНИНИ ТАШКИЛ ЭТИШ ТИЛИ

5.1. Таклиф ва шартнома тили.

Танлов таклифи, иштирокчи ва буюртмачи томонидан амалга ошириладиган у билан боғлиқ бўлган барча ёзишмалар, ҳужжатлар ўзбек ёки рус тилларида бўлиши керак.

5.2. Танлов шакли.

Танлов электрон шаклда etender.uzex.uz платформаси орқали ташкил этилади.

6. ТАКЛИФЛАР ВА УЛАРНИ РАСМИЙЛАШТИРИШ ТАРТИБИ

6.1. Таклифларни тайёрлаш.

Танлаш иштирокчиси тақдим этилаётган ахборот ва ҳужжатларнинг ҳақиқийлиги ва тўғрилиги учун жавобгар бўлади.

Танлаш иштирокчиси фақат битта таклиф беришга ҳақли.

Танлаш учун таклифларни қабул қилиш махсус ахборот портали орқали давлат харидларининг электрон тизимида чоп этилган эълонда кўрсатилган муддат келиши билан тугатилади.

6.2. Таклифларни тақдим этиш.

Порталда эълон қилинган танлов иштирокчилари, ўз таклифларини etender.uzex.uz платформаси орқали ўрнатилган тартибда электрон шаклда юбориши шарт.

6.3. Танлов иштирокчисининг масъулияти.

Танлов иштирокчиси:

- тақдим қилинаётган маълумотлар ва ҳужжатларнинг ҳақиқийлиги ва ишончлилиги учун маъсул ҳисобланади.

6.4. Таклифларни таъминлаш

Танлов иштирокчиси танловда иштирок этиш учун хизматни бажариш бўйича таклиф этилаётган максимал нархининг 3% гаров сифатида тақдим этиши лозим.

Агарда танлов асосида ғолиб 10 иш кун ичида буюртмачи билан шартнома имзоланиши бош тортса ва буюртмачининг шартномасидаги талабларини қабул қилмаса, унда гаров сумма буюртмачи ҳисобига ўтиб кетади.

Танловнинг нархга оид қисми маълумотлари.

Танлов таклифи танлов шартларига мос бўлган ва қуйидаги маълумотларни қамраб олувчи нархга оид қисмдан ташкил топади: хизматнинг номланиши, хизмат кўрсатиш қиймати, якуний сумма, тўлов шартлари, таклифнинг амал қилиши муддати ва ҳ.з.

7. ҲИСОБ-КИТОБ ҚИЛИШ ТАРТИБИ

7.1. Хизматлар учун тўлов Буюртмачи томонидан қуйидаги тартибда амалга оширилади:

Шартнома имзоланган кундан бошлаб 5 (беш) банк куни ичида Шартнома қийматининг камида 15% миқдорида аванс тўлаб берилади.

Қолган тўлов топшириш-қабул қилиш далолатнома тасдиқланганидан сўнг 45 банк куни ичида Ижрочининг жорий ҳисобварағига пул маблағларини ўтказиш йўли билан амалга оширилади.

8. ТАКЛИФЛАРИНИ БАҲОЛАШ МЕЗОНЛАРИ

8.1. Таклиф Қонун, қарор ва танлов ҳужжатлари талабларига жавоб берса, тегишли тарзда расмийлаштирилган, деб ҳисобланади.

Харид комиссияси таклифни берган танлов иштирокчиси Қонун, қарор ва танлов ҳужжатлари талабларига жавоб бермаса ёки танлов иштирокчисининг таклифи танлов ҳужжатлари талабларига мос бўлмаса, таклифни рад этади.

Танлов таклифларини баҳолаш жараёнида харид комиссияси танлов иштирокчиларидан уларнинг танлов таклифлари бўйича тушунтиришлар сўраб олишга ҳақли. Ушбу таомил расмий равишда, ёзма шаклда танлов иштирокчилари орқали ўтказилади. Тушунтириш жараёнида таклифнинг мазмуни, шунингдек, нархи бўйича бирон-бир ўзгартириш киритилишига йўл қўйилмайди.

Танлов ҳужжатлари ва таклифларида кўрсатилган мезонлар асосида шартномани бажариш бўйича энг яхши шартларни таклиф қилган **танлов иштирокчиси ғолиб деб топилади.**

8.2. Арифметик ёки бошқа хатолар мавжуд бўлган тақдирда танлов комиссияси, бу ҳақда танлов иштирокчисини хабардор қилгани ҳолда, танлов таклифини рад этишга ёки уларни келгусида кўриб чиқиш бўйича бошқа шартларни белгилашга ҳақли.

8.3. Таклифларни кўриб чиқиш ва баҳолаш натижалари таклифларни кўриб чиқиш ва баҳолашни қайд қилиш баённомасида қайд қилинади.

8.4. Таклифларни кўриб чиқиш ва баҳолашни қайд қилиш баённомаси танлов комиссиясининг барча аъзолари томонидан имзоланади ва ундан кўчирма у имзоланган кундан бошлаб **икки иш куни ичида** махсус ахборот порталида чоп этилади.

Таклифларни кўриб чиқиш ва баҳолашни қайд қилиш баённомаси эълон қилинганидан сўнг танловнинг ҳар қандай иштирокчиси буюртмачига танлов натижаларини тушунтириш бўйича сўров юборишга ҳақли. Бундай сўров келиб тушган пайдан бошлаб **икки иш куни давомида** танлов иштирокчисига тегишли тушунтиришлар беришга мажбур.

8.5. Қўйилган талабларнинг ўлчов мезони:

8.5.1.	Таълим фаолияти соҳасида камида 18 (ўн саккиз) ой давомида фаолият амалга ошириши лозим;	50 балл
8.5.2.	Қатнашувчига қўйилган қўшимча талаблар: – Ўзи ишлаб чиққан ўқув курсларини ўтказиш тажрибаси; – Техник топшириқда талаб қилинган ўқув платформасига кириш ва фойдаланиш ҳуқуқи мажбурияти; – Техник топшириқда талаб қилинган ўқув платформасидан фойдаланиш учун 3 (уч) кун ичида 500 та ҳуқуқни тақдим этиш имкониятига эга бўлиш.	50 балл

Умумий балл қиймати 100 балл (афзалроқ), танловда қатнашиш учун минимал 99 балл тўплаши зарур.

Танловда ғолиб энг паст нарх берган ҳисобланади ва электрон тарзида аниқланади.

9. БОШҚА ШАРТЛАР

9.1. Танловда иштирок этиш истагини билдирган иштирокчилар, ўтказилаётган танлов ҳақида тушунтиришлар олиш учун ишчи органга мурожаат қилишга ҳақли.

9.2. Танлов иштирокчиси буюртмачига танлов ўтказилиши ҳақидаги эълонда келтирилган шаклдаги танлов ҳужжатлари қоидалари бўйича тушунтиришлар бериш ҳақида сўров юборишга ҳақли.

9.3. Ушбу сўров буюртмачига таклифлар берилиши яқунланиши санасидан камида икки кун аввал келиб тушган тақдирда, буюртмачи кўрсатилган сўров келиб тушган санадан бошлаб икки иш куни давомида белгиланган шаклда танлов ҳужжатлари қоидалари бўйича тушунтиришлар юборишга мажбур.

9.4. Танлов ҳужжатлари қоидалари бўйича тушунтиришлар унинг мазмунига зид бўлмаслиги керак.

9.5. Қуйидаги ҳолларда харид комиссияси танловни бўлиб ўтмаган деб эълон қилиши мумкин:
 – танловда битта иштирокчи иштирок этган ёки ҳеч ким иштирок этмаган тақдирда;
 – таклифларни кўриб чиқиш яқунлари бўйича харид комиссияси барча таклифларни танлов ҳужжатлари талабларига мос эмаслиги туфайли рад этган тақдирда.

9.6. Ғолиб чиққан таклиф акцептигача буюртмачи исталган пайтда танловни бекор қилиши мумкин. Танлов бекор қилинган тақдирда буюртмачи махсус ахборот порталида бундай қарорнинг асосли сабабларини чоп этади.

10. ШАРТНОМАЛАР ТУЗИШ

10.1. Танлов натижаларга кўра, танловда ғолиб деб саналган ташкилот билан буюртмачи шартнома танловда қўйилган шартнома нусхасида ёзилган шартлар асосида тузилади.

10.2. Харид комиссияси томонидан ғолиб деб топилган танлов иштирокчиси буюртмачидан тегишли ёзма хабарнома олади ва 3 иш кунда Шартнома имзоланади.

10.3. Танлов ғолиби танлов шартлари бўйича шартнома тузишдан бош тортган тақдирда, шартнома тузиш ҳуқуқи заҳирадаги ижрочига ўтади. Бунда заҳирадаги ижрочи танлов ғолиби таклиф қилган нархларда шартнома тузиши ёки шартнома тузишдан бош тортиши мумкин.

11. ШАРТНОМА ШАРТЛАРИ

11.1. Шартнома Буюртмачи ва Танлов ғолиби ўртасида икки нусхада тузилади.

11.2. Шарномада кўрсатилган нарх энг охирги нарх бўлиши ҳамда шартноманинг амал қилиш муддати тугагунга қадар ўзгармаслиги керак.

11.3. Шартнома шартлари буюртмачининг шартнома намунасида кўрсатилиб ўтилган.

11.4. Шартномани амалга ошириш жараёнида юзага келадиган низолар музокаралар йўли билан ҳал этилмаган тақдирда, Томонлар Тошкент туманлараро хўжалик судига мурожаат қилишлари керак.

Таълим платформаси орқали ўқув курслари контентларидан фойдаланиш ҳуқуқини тақдим этиш бўйича хизматларни кўрсатиш бўйича мазмун ва моҳияти

1	Объект номи	Дастурий маҳсулотлар ва ахборот технологиялари технологик парки (IT-Park)
2	Лойиҳани амалга ошириш учун асос	Ўзбекистон Республикаси Президенти Ш.М. Мирзиёевнинг 2021 йил 18-19 февраль кунлари Наманган вилоятига ташрифи давомида ва Халқ депутатлари вилоят Кенгашининг навбатдан ташқари сессиясининг 10-баён 139-банди билан барча олийгоҳларининг талабаларини масофавий ўқитиш тизимини жорий қилиш бўйича чора-тадбирлари; “Рақамли Ўзбекистон - 2030” стратегиясини амалга ошириш бўйича мувофиқлаштириш комиссияси йиғилишининг 2-сон баёни 22-банди асосида тасдиқланган “Рақамли университет”ни ташкил этиш бўйича чора-тадбирлари режаси.
3	Буюртмачи	Дастурий маҳсулотлар ва ахборот технологиялари технологик парки (IT-Park)
4	Ишнинг тури	Техник топшириқ асосида ўқув курслари контентларини ўз ичига олган таълим платформасига кириш ҳуқуқини сотиб олиш орқали мижозларга масофавий таълим хизматларини кўрсатиш.
5	Ишни амалга ошириш муддати	Лойиҳа шартнома имзоланган кундан бошлаб 1 йил (12 ой) давом этади.
6	Ишни амалга ошириш манзили	100164, Тошкент шаҳри, Мирзо Улуғбек тумани, Тепамасжид кўчаси
7	Иш хажми тавсифи	Таянч (Foundation) курсларни ўз ичига олган Таълим платформасидан фойдаланиш учун харид қилинаётган кириш

		<p>хукуки 11-синф мактаб ўқувчилари ҳамда университетларга ўқишга кира олмаган ёшлар учун онлайн курсларни тақдим этиш орқали тайёрлов курсларида ўқитиш учун хизмат қилади. Таълим платформаси интерфейси ҳамда ўқув курслари контенти (субтитрлари) ўзбек, инглиз ва рус тилларида бўлиши мумкин. Ўқув курслари қўйидаги тавсиф элементларини ўз ичига олиши зарур:</p> <ul style="list-style-type: none"> - курс идентификатори; - курс версияси; - курс номи; - курснинг кредит бирликлари буйича умумий юкламаси, ўқув ҳафтала сони, ҳафталик ўртача юклама ҳажми; - дастурни таклиф этаётган университет номи; - курс муаллифлари; - курснинг асосий тасвири; - промовидео; - курснинг қисқача мазмуни; - курснинг тўлиқ мазмуни; - шаклланаётган таълим натижалари харитаси; - берилган сертификатлар ҳақидаги маълумотлар, баҳолаш мезони қоидалари, баҳолаш тизимининг тавсифи (берилган вазибаларни текшириш муддатини ўз ичига олган ҳолда), курс мазмуни билан вазибалар муносабатини акс эттирувчи баҳолаш тизимининг спецификацияси, шу жумладан, кўрсаткичлар тавсифи ва баҳолаш мезонлари, ўлчовлар ва баҳолаш тартиблари тавсифи; - курсни ўрганиш натижаларини тан оладиган ўқув дастурлари. Ўқув курслари платформасига кириш ҳукуки олинган ўқув дастурлари иловада келтирилган фанларга мувофиқ бўлиши керак. <p>Ўқув дастурларида келтирилган курсларнинг ўқув материаллари халқаро рейтингларда юқори поғоналарни эгаллаган университетлар, таниқли олимлар томонидан ишлаб чиқилган бўлиши керак.</p>
8	Иштирокчиларга қўйиладиган талаблар	<p>Таълим платформасидан фойдаланиш учун кириш ҳукуки таъминлаш шартнома имзоланган кундан бошлаб камида 5 иш куни мобайнида тўлиқ амалга оширилиши керак.</p> <p>Ижрочи тўлиқ жиҳозланган, функционал дастурий таъминотдан фойдаланиш ҳукуки билан биргаликда буюртмачи томонидан талаб қилинган хизматдан фойдаланишнинг тўлиқлигини таъминлаши лозим.</p> <p>Барча хизматлар техник топшириқда кўрсатилган техник хусусиятларга мувофиқ тақдим этилиши керак.</p> <p>Танлов иштирокчилари танлов ва эълон қўйиладиган шартларга тўлиқ риоя қилишлари керак.</p>

		<p>Танлов иштирокчилари қайта ташкил этиш, тугатилиш, банкротлик босқичларида бўлмасликлари керак.</p> <p>Танлов иштирокчиларининг бюджет ва бошқа мажбурий тўловлар бўйича қарзлари бўлмаслиги керак. Шунингдек, танлов иштирокчиларининг бошқа тадбиркорлик субъектлари олдида уларнинг таклиф нархларидан 10 % ошқ микдорда қарзлари бўлмаслиги керак.</p> <p>Танлов иштирокчилари инсофсиз етказиб берувчилар рўйхатида бўлмаслиги керак.</p> <p>Танлов иштирокчилари жорий ва аввал бўлиб ўтган харидлар бўйича буюртмачи билан салбий тажрибага эга бўлмасликлари керак.</p>
9	Молиялаштириш манбаи	Дастурий маҳсулотлар ва ахборот технологиялари технологик парки маблағлари
10	Хизматни бажариш учун таклиф этилаётган максимал нарх	Буюртмачи белгилаган нарх 1 319 666 667 (бир миллиард уч юз ўн тўққиз миллион олти юз олти миш олти минг олти миш етти) сўмдан ортиқ бўлиши мумкин эмас.
11	Изоҳ	Харид комиссияси томонидан қолиб деб топилган танлов иштирокчиси билан 3 иш кунда Шартнома имзоланади

Ишлаб чиқди:


Рақамли таълимни ривожлантириш
бўйича менежер



М. Муқенова

Келишилди:

Директор ўринбосари



А. Кучкаров